

**Shu phah Whatsapp**  
**ne Phone ha une**  
**u Number**  
**8794745117**

❖ Ki Classified Advertisement  
 ❖ Ki Display Advertisement

Ban pynmih ha ka Kotkhubor  
**Sa siew Online Payment**

# Mawphor

**Khabor Khasi Ba Man Ka Sngi Ba Nyngkong**

**READINGTON**  
 Restaurant  
 Bed & Breakfast

Mawlai Mawlong Rim  
 Shillong, Meghalaya

81320 00254 / 93781 87148  
 /87875 66272

VOL. XXXVII (37) NO. 094 RNI REGD. NO. 70648/99 SHILLONG - 08 IAIONG (APRIL) SNGI BALANG (WEDNESDAY) 2026 mawphor.com Postal Regn. No. NE - 851. 5/- TYNGKA

## MBOSE SSLC 2026: Ka Pass percentage ka long 86.84%, kumba 42,000 ngut pass ki khyannah ia ka exam

Shillong, Iaiong 7: Ka Meghalaya Board of School Education (MBOSE) ha ka sngi Ba-ar ka la pynbna ia ka result jong ka Secondary School Leaving Certificate (SSLC) Examination 2026, bad ka pass percentage ka long 86.84%, kaba duna khyndiat na ka 87.10% jong u snem ba la dep.

Ki don baroh 48,623 ngut ki khyannah ba ia leh ia ka eksamin, ha kaba 42,228 ngut ki la pass bha ia ka, kynthup ia kiba pass ia baroh 6 tylli ki subjek bad kumjuh ruh 5 tylli



Ka Daiakmen I Ka Talang na Ferrando HSS.

ki subjek. Ka result ka pyni ba ki regular ki dang bteng ban leh bha, katba ki Regular-1 candidates ka pass percentage ka long 93.30%, bad ki Regular-2 candidates ki ioh 80.72%. Ha ka jingiapher, ki non-regular bad ki khyannah ba ia leh private ki sahndia da ka jingjop kaba duna bha.

U Wangaal Lama jong ka Gorkha Pathshala Higher Secondary School, Shillong u la ioh ia ka kyrdan ba nyngkong da kaba ioh 585 marks, kaba la buh ia ka thong

## Ki kot pule dei kiba hakmat eh, ka social media kan dei tang haba artatien "Nga la aiti lut ngam don jingbabe shuh" ong u samla pule ba wan ba nyngkong ha ka Top 20

Shillong, Iaiong 7: U samla pule u Wangaal Lama jong ka Gorkha Pathshala Higher Secondary School, uba ioh ia ka kyrdan ba nyngkong ha ka Top 20 list jong ka eksamin Secondary School Leaving Certificate (SSLC), ula pynpaw ka jingsngewnguh da kaba ong "Ka result kam da sngewpher ia nga namar kaei kaba nga la leh, nga la aiti lut naduh ka mynsiem. Ngam don jingbabe shuh".

U Lama ula ia thuh ia ka jingsngew kyndit bad



Hapdeng u Wangaal Lama bad arngut na ka skol GPHSS. jingkmehaba ong "Haba nga ioh ia ka, nga sngew kum ha ka jingphohsiew, nga khuslai bha, ngam shym la peit wat ia ka result". Ula pynkynmaw ba ynda poi ha skol ula iohi ia ka Bteng sla 5

## Bat ki skol na Tura ia ka kyrdan ba ar bad ba lai ha ka state merit list ha ka SSLC

Tura, Iaiong 7: Ki Schools na Tura kila paw napdeng ki skol kiba la leh bha ha ka Meghalaya Board of School Education (MBOSE) SSLC Examination 2026, ha kaba ki khyannah kila ioh ban bat ha ka kaba ar bad ba lai ha ka state merit list.

Katba ka pass percentage hapoh ka jylla ka long 86.84%, u Vishal Kumar jong ka Embee Rosebud Higher Secondary School, Tura, u la wan ha ka kyrdan kaba ar da kaba ioh 576 mark (96%). Ka Prinita Das jong ka Pechon A Sangma Memorial Police

Public Secondary School, Tura, kala wan ha ka kyrdan balai da kaba ioh 575 ka mark kaba duna tang shi mark na u Vishal.

Ki bor pyniaid jong ka skol Embee Rosebud ki la ong ba u Vishal u la long u

Bteng sla 7

## Tyngshain arngut ki samla na Ri-Bhoi ha SSLC 2026 Thaw histori ar tylli ki skol ha Ri-Bhoi ka sien ba nyngkong ba ki ioh rung ha ka Top-20

Nongpoh, Iaiong 07: Ka Ri Bhoi District ka la ioh ka burom kaba khraw hadien ba arngut ki samla pule, ka Lasara Pynbiang Nongbri na St. Michael Higher Secondary School, Umsning bad ka Daiakmen I Ka Talang na Ferrando Higher Secondary School, Umroi Nongrah, ki la lah ban rung ha ka thup Top 20 jong ka eksamin SSLC 2026 bala pynbna da ka MBOSE mynta ka sngi kaba long ruh ka



Ka Lasara Pynbiang Nongbri na St. Michael HSS.

Bteng sla 7

## Ai jingiaroh u Myntri ia ki khyannah skol bad nonghikai halor ka jingpas bha ha ka SSLC

"**Dei u soh jong ka jingshimkhia ka sorkar ia ka pule puthi**"

Shillong, Iaiong 7: U Myntri ka tnad Pule Puthi u Bah Lakhmen Rymbui u la iaroh ia ki khyannah skol, ki nonghikai, bad ki kmie ki kpa hadien ba ka jylla Meghalaya ka la kynjoh ia ka jingpass kaba 86.84% ha ka eksamin SSLC 2026.

Haba thoh ha X, u Bah Rymbui u la ong: "Khublei ia baroh ki samla pule ba pynioh 86.84% pass ha ka SSLC exam 2026. Khublei ia ka jingiai pyrshang jong phi, ka jingaiti jong ki Nonghikai & ka jingkyrshang jong ki Kmie ki Kpa. Ka jingnang pass bha ha kylleng ka Jylla ka pyni ia ka jingnang kiew shaphrang ka pule puthi. Ka jingkitbok kitrwiang na ka bynta ka lawei jongki".

Ka Meghalaya Board of School Education (MBOSE) ka la pynbna ia ka result jong ka SSLC ha ka sngi Ba-ar.

Bteng sla 7

## Pyntip ka MBOSE ba kan sa pynlong ia ka supplementary Examination ia kiba pheil SSLC

Shillong, Iaiong 07: U Director Accreditation bad u Controller ka Examination ka Meghalaya Board of School Education u Bah T.R. Laloo u la pyntip ba ka Board kan sa pynlong ia ka supplementary examination 2026 na ka bynta kito kiba pheil ia ka SSLC 2026 kan long naduh ka 1 tarik u Jymmang, 2026 haduh ka 8 tarik u Jymmang, 2026.

Kumta la bthah ia kito kiba pheil ia kane ka exam SSLC kaba la pynbna ha ka 7 tarik u Iaiong, 2026 ki lah ban applai ban iakhun ia ka supplementary exam kan sdang naduh ka 14 Iaiong, 2026 da kaba applai online bad kan kut ha ka 21 Iaiong, 2026.

Ki samla kiba pheil ki hap ban applai lyngba ki jaka kaba ki ioh ban thoh ia ka eksamin bad ia kane kin sa ai jingtip ha kine ki sngi la bthah ia baroh ki samla kiba applai

Bteng sla 7

## Kitbok u CM ia samla ba pas ia ka SSLC bad ia ka lawei ba phyrnai jong ki

Shillong, Iaiong 7: U Myntri Rangbah ka Jylla Conrad K Sangma ha ka sngi Ba-ar u la ai khublei ia ki samla pule kiba la pass ia ki eksamin SSLC, da kaba ai ka jingiaroh ia ki Topper halor ka jinglah jong ki.

Ha ka jingthoh ha X, u Sangma u la ong, "Khublei ia baroh ki khyannah skol baieit jong ngi kiba la pass ia ki eksamin #SSLC jong ki. Kudos ia ki toppers kiba la pynlong ia ki kmie ki kpa, ki nonghikai bad ki skol jong ki ban sngew sarong! Ngi kitbok kitrwiang ia phi iwei pa iwei ia ka lawei ba phyrnai. To phin ia long kiba tyngshain beit!"

Mynta u snem, ki don 48,623 ngut ki samla pule na ki 719 tylli ki jaka pule ha kylleng ki 171 tylli ki centre kiba la wan ban ia leh ia ka eksamin SSLC, ha kaba 42,228 ngut ki samla pule ki la long kum ki nongjop.

## "Ko sorkar plie noh ia u dewiong," sawa ka sur ba jam Da ki hajar mih ki paidbah sha ka rally ka JCMDA



Khliehriat, Iaiong 07: Da ki hajar hajar ki paidbah na ri lum Jaiintia khamtam kiba na East Jaiintia Hills District kiba ju im ja kphoh da kaba tih bad shalan dewiong ki la ia mih paidbah sha ka rally ba pynlong ha Khliehriat ia kane ka rally la khot pynlong da ka Jaiintia Coal Miners and

Dealers Association (JCMDA) bad da kawei ka sur ki paidbah ki la pyrta jam "Ko sorkar to plie noh u dewiong" kaba long ruh kum ka jingdawa jong ki na ka sorkar ban plie noh ia ka jingtih bad shalan dewiong namar kane ka dei ka kam kaba ki ju im ja kphoh bad pyndap pynbiang ia ka iing ka sem namar mynta la bun bun snem kata naduh u snem 2014 la khanglad da ka NGT ban tih bad shalan dewiong.

Shuh shuh mynta ka sngi la sakhi ruh ba baroh ki dukan naduh ki dukan heh,

Bteng sla 7

## Donkam ba ki nongmikhmat kin dei ki nongthaw ain ban thaw ia ki ain ha ka kam dewiong: Sambormi



U Samla Sambormi Lyngdoh

Khliehriat, Iaiong 7: U Bah Sambormi Lyngdoh uba dei u President jong ka Jaiintia National Council bad uba dei ruh uwei na ki dkhot jong ka Jaiintia Coal Miners and Dealer Association (JCMDA), haba kren ha ka jingialang ba la pynlong da ka JCMDA ha Dkhiah u la pynpaw ba u don ka jingangnud ban don ka ain kaba bit ba biang kaba iadei dur bad ka kam tih dewiong hapoh ka jylla Meghalaya, da kaba ong, "Ha jingshisha la donkam ban pynkylla noh ia ka ktien nongmikhmat sha ka ktien nongthaw ain khnang ba kin lah ban thaw ia ki ain kiba biang bad kiba

Bteng sla 7

## Haduh 70 lak kawei ka skol Govt. L.P mang ka sorkar ban maramot ia ki 180 tylli : Bah Powell

Shillong, Iaiong 7: U MDC ka Mawthadraishan uba dei ruh u Executive Member (EM) jong ka Executive Committee ka ba ialam da ka

Voice of the People Party (VPP) ha Khasi Hills Autonomous District Council (KHADC) ba peit ia ka tnad Development, u Bah Powell

Sohkhlet u la pyntip ba ka sorkar jylla lyngba ka tnad pule puthi kala mang haduh 126 klur tam ban maramot ia ki skol sorkar ha ka kyrdan Lower Primary School.

Haba ia kren bad ki lad pathai khabor, u Bah Powell Sohkhlet u la pynpaw ka jingbynniaw halor ka jingleh shilliang khmat ka sorkar jylla haba iadei bad ka jingmang pisa ban maramot ia ki skol sorkar jong ka Lower Primary School ha ki district bapher bapher ka jylla.

Shuh shuh u Bah Powell u la pyntip ba ka "sorkar jylla

Bteng sla 7



## Haduh 180 tylli ki dukan bar jylla khlem laisen khaii ki don ha Shahlang, yn leit khyrna ka KHADC



U nongialam ka HYC ba aiti dorkhas ha u CEM.

Shillong, Iaiong 07: Ka Hynniewtrep Youths' Council-West Khasi Hills District ryngkat ka HYC Mawshynrut Circle bad ka HYC Shallang Area Unit hadien ba ki la hiar ban khyrna ia ka Iew Shallang ha ka 4 Tarik Iaiong 2026 la lap ba kane ka Iew kumba 98% ia ka khaii pateng la bat da ki barjylla bad kila ong ba ka long kaei kaei kaba sngewsih ba ha West Khasi Hills District tang ia katei ka Iew ki bar jylla ki ioh rung ban kamai kajih bad khaii pateng bad ha katei ka sngi ka HYC

ka la lap haduh 180 tam eiei ki dukan ne ki jaka trei ki barjylla kiba khaii-pateng ne trei ktah hangtei ki khlem don don ia ka Trading Licence na ka KHADC.

Kumta halor kane ka HYC West Khasi Hills District hapoh ka jingialam jong u Bah Lumlang Kharsyiemlieh President ki la leit ban kynduh ia u CEM ka KHADC u Bah Winston Tony Lyngdoh ban aiti ia ka dorkhas jingujor bad pyntip ruh halor kine ki jingshem jong ka seng.

Bteng sla 7

## U MDC u dei ban pyndonkam da ka song pisa lajong ban maramot ia ki skol : Rymbui

Shillong, Iaiong 7: U Myntri ka tnad Pule Puthi u Bah Lakhmen Rymbui ula bthah ia u Executive Member ka KHADC bad MDC ka Mawthadraishan u Bah Powell Sohkhlet ba u mang pisa na ka skhim MDC lajong ban shna pynbha bad maramot ia ki iingskul, haba kyntait ia ki jingkyndoh ba leh shiliang ha ka jingsam ia ka song pisa maramot iingskul.

"Ngam thikna mano ba pynmih ia kane ka jingkyndoh bad ha kano ka nongrim, kumta ngam lah ban jubab ia ka. Hynrei, naduh u 2018, ngi la buh hakmat eh ban maramot bad shna pynbha ia ki iingskul, kum shibynta na ka mission jong ngi ban ai ia ka pule puthi kaba bha tam sha ki khyannah skol. Mynta u snem, ngi la mang ban maramot haduh 186 tylli ki skol,

kynthup kiba la wanrah ia ka arts stream ha ki Higher Secondary School" ong u Bah Lakhmen haba ia kren bad ki nongthoh khabor ha ka sngi Ba-ar, haba jubab ia ki jingkyndoh u bah Powell.

U Bah Rymbui ula ai jingmut ba u EM ka KHADC Bah Powell Sohkhlet u dei ban pyndonkam ia la ka skhim MDC na ka bynta ban maramot ia ki iingskul haba

Bteng sla 7

## 677 tylli post nonghikai L.P ki sah khongreng ha ki skol Govt. L.P, aiu kan jia ia ka lawei ki heprit: Powell

Shillong, Iaiong 7: Ka long shisha ka jingduh ba khraw ia ki heprit kiba dang pule ha ki kyrdan Lower Primary School jong ka sorkar, namar ki don haduh 677 tylli ki kam nonghikai kiba ka sorkar jylla kam pat thung kam pura haduh mynta bad aiu kan jia ia ka lawei ki heprit.

Ia kane la pyntip da u Executive Member (EM) ka Khasi Hills Autonomous District Council bad MDC ka Mawthadraishan Bah Powell

Sohkhlet, da kaba sot na ka jingkren u myntri ka tnad pule puthi u Bah Lakhmen Rymbui ha kane ka dorbar kaba dang shu dep.

Haba ia kren bad ki lad pathai khabor u Bah Powell Sohkhlet u la ia thuh ba napdeng kine ki 677 tylli ki kam nonghikai kiba lait ha ki skol LP ka sorkar, ka Eastern West Khasi Hills District ka don haduh 29 tylli ki kam nonghikai skol kiba dang lait ia kaba ka sorkar

kam pat thung kam.

"Mano ban buria ia kane ka jingduna? Kumno arngut ki nonghikai kin ai jinghikai ia 120 ngut ki khyannah?" buh jingkylli u Bah Powell haba pynpaw ia ka jingktah ia ka lawei jong ki khyannah skol.

Ula kyrpad ia ka Sorkar Jylla ban thungkam noh mardor ha kine ki kam ba lait da kaba ong "Kiba bun kila pass ia ka Meghalaya Teachers Eligibility Test

Bteng sla 7

## Khlahd u heprit ba rung ka baisikil shapoh khруп ka trok pick-up hajan Mahari Petrol Pump

Shillong Iaiong 7: Uwei u heprit uba la don kumba 12 snem ka rta ba na Dymmiew Mawprem, ula khlahd haba ka baisikil ba ula niah, kala leit tynrah bad rung shapoh khруп jong ka kali hajan Mahari Petrol Pump, Jaiaw Langsning.

Katium ka khabor ba iohlum, la ia thuh ba kane ka jingia kala jia ha ka por ba ka kane ka kali Tata Pick Up ka dang mut rung shapoh petrol pump. La ia thuh ba une u heprit

uba niah baisikil ula leit tynrah bad rung syndon hapoh khруп jong kane ka kali bad ula shah iuh ha ka shaka kaba shadien.

Ki bahaing bahasem

ryngkat bad ki pulit kila pynkit noh mardor ia une u heprit sha hospital ban ioh ia ka jingsumar hynrei la ioh jingtip ba une u heprit ula khlahd noh.



C M Y K